

dantes quatinus dicta die mane hora capituli. quam diem cum omnibus diebus sequentibus, quousque ipsius eleccionis negocium fuerit expeditum, vobis tenore presencium assignamus, ad scarensen capitulum veniatis, vna nobiscum de futuri eleccione pontificis tractaturi, et in ipso eleccionis negotio modo debito processuri, Alioquin vobis non expectatis, nec vltorius, eciam si predictus terminus fuerit prorogatus, conuocatis, in huiusmodi eleccionis negotio procedemus, vestri ausencia non obstante, Datum In capitulo nostro. Anno quo supra. In crastino beati barnabe apostoli, sub sigillo capituli nostri supradicti.

Sigillet obetydligt skadadt.

**3495.**

**1340 d. 15 Juni.**

Prostarne BOTULF i Wisby, OLOF i Sanda och JOHAN i Rone vidimera Páfven Honorius III:s Bref om Cisterciencer-Ordens privilegier af d. 6 Nov. 1225.

Orig. på perg. i K. Riks-Arch.

Omnibus presentes litteras inspecturis, BOTULPHUS in wýsbý, OLAUUS in sandum, et JOHANNES in ronum, prepositi in guthlandia, Lynchopensis, dyocesis, Salutem in omnium saluatore, Nouerint vniuersi, quod nos, Anno domini. M°.CCC°.XL°. in die corporis christi, vidimus quoddam priuilegium, sanctissimi patris, domini Honorij pape terciij, bene cum serico bullatum, quod de verbo ad verbum perlegimus diligenter, et conperimus (!) in nulla sui parte esse viciatum, verba continens inferius annotata, HONORIUS episcopus seruus seruorum dei &c. *Se N:o 241.* Nos autem predicti prepositi, quod vidimus testamur, et in testimonium veritatis, anno et die quibus supra huic presenti transcripto Sigilla nostra duximus apponenda.

Sigillen borta, remsorna qvar.

**3496.**

**1340 d. 15 Juni.**

Samma BOTULF och öfriga PROSTAR vidimera Biskop Guidos d. 19 Sept. 1303 utgifna vidimation af Páfven Bonifacius VIII:s privilegier af d. 18 Dec. 1302 för Cistercienser-Orden, i afseende på frihet för klostrens jord.

Orig. på perg. i K. Riks-Arch.

Omnibus presens scriptum cernentibus, BOTULPHUS wysbycensis, OLAUUS in sandum, et JOHANNES in ronum, prepositi in guthlandia, Lynchopensis, dyocesis, Salutem in domino ihesu christo, Tenore presencium protestamur, nos anno domini M°.CCC°.XL°. in die corporis christi vidisse quoddam transcriptum sub Sigillo venerabilis patris domini Guidonis quondam Helenensis,